

A cez mos tous hurtent par trois fois leur teste à terre puis crie uns autres : « Levez-vous »; et tous se lièvent. Oultre une autre pièce cilz recrie : « Mettez voz dois en voz oreilles », et assez tost ilz les ressachent. Oultre une pièce ilz dient : *Buratate farinam*. Telles afflictions et sacrefiement font ilz à leur empereur. Les officiers gardent soingneusement que riens ne faille à ces barons et à ces menestrelz e se aucune chose y failloit les officiers en seroient griefment pugni. Quant l'eure est venue, touz ces menestrelz commencent à jouer de leurs instrumens et font si grant noise que c'est grant hyde. Après vient une vois qui dit, tous se taisent et tantost tous ceulz de son lignage sont appareillie sur blancs chevaulx. Puis vient une autre voix et dit, tel du sang royal appareilliez tant de centaines de blancs chevaulz à son seigneur et telz tant et aussi de tous les autres par ordre. Si que il semble estre impossible de assembler tant de chevaulz blancs ensemble. Après ceulz du sang royal les autres barons donnent grans dons à leur seigneur selon leur estat. Après les barons viennent ceulz des abbaies portans leurs présens, et puis donnent la beneïçon à l'empereur. Ce fait viennent aucuns menestrelz avec aucunes chanteresses chantant devant l'empereur pour lui solacier. Puis fait-on venir lions privéés qu'ilz facent révérence à l'empereur. Puis y a enchanteurs qui font par leur art venir hanaps d'or tous pleins de bon vin et en boivent touz ceulz qui en veulent boire. Pluseurs autres choses font ilz pour leur seigneur que nulz ne les ozeroit croire qui ne les eus veues. Mais je le vy tout à mes yeulz et pour ce les puis je bien dire. De si grans despens que cilz sires fait nulz ne se doit esmerveillier. Car pour monnoie ne despent on riens en tout son royaume, fors une manière de brievez qui la vault en tout son pais monnoie »¹.

Par Marco Polo, nous avons le récit des grandes chasses du Khan :

« Orsachiés de voir qe endementiers qe le grant sire demore en la cité dou Catai ces trois mois, ce sont decembre et jever et fevrier, il ha establi qe soixante journée environ là

Chasses du
Grand Khan

1. ODORIC, pp. 378-380.